

# فلسفہ و اجتماعیات

## مجموعہ سی

مدیری

محمد زروت

قیاطاش لیسہ سی فلسفہ و اجتماعیات  
و تجارت مکتبی اقتصاد معلمی

مؤسسی

آلہ سری

استقلال لیسہ سی مدیری  
و ادبیات معلمی

بر صلیبہ

- تربیتی قسم : فلسفہ نہ در ؟ . . . . . اورغزبانہ سعد الدینہ  
تہیجیت حقندہ . . . . . ہلمی ضیا  
اجتماعیاتہ کورہ ( بیلکی نظریہ سی ) . . . . . ہانمی منج  
بدیعیاتک موضوعی و اصولی . . . . . ضیاء الدین فخری  
دیوان ادبیاتی : کلہ لور منزل . . . . . آلہ سری  
اجتماعیات درس لری : مقدمہ . . . . . محمد زروت  
ہندسہ نہ در ؟ ( « نہ دینقتون » دن ) . . . . . صم . الہامی  
اتحار . . . . . دورقہیم  
پوتلاج . . . . . ہلمی ضیا  
تطبیقی قسم : فلسفہ و اجتماعیات پروغرامی حقندہ تکلیف . . . . . محمد زروت  
فلسفہ و اجتماعیات پروغراملری . . . . . ہانمی منج  
تحلیل و تنقید قسمی : فاوست ترجمہ سی حقندہ . . . . . ا . سی .

مجموعہ لڑدہ منتشر مہم یازیلر

ادارہ خانہ : استانبول - جنبری طاسہ - استقبول لیسہ سی داغلیندہ دائرہ مخصوصہ  
استانبول - مطبعہ ابوالضیا

# انتخار

- ما بعد وصوك -

بو معشرى قوتدن نه آكلامالى در : بوقوت فرده نظراً خارج واوكا فائق برشأيت در . دورقهيم بوتون ارده كى دعوى سنك اساسنى تشكيل ايدن بونقطه يي ايضاح ايدم بيلمك ايچون بايلان اعتراضلى تدقيق ايتك وبونلره جواب ويرمكله مشغول اولويور .

ايك اعتراض - فرد ، جمعيتده يكانه شأنى اولان شيدر . مؤلف بوكا شوطر زده جواب ويرمكده در : اولاً فردلره نظراً خارجى اولان مادى اشيا ناصيل اولوبده اجتماعى واقعه لر حالى آليور . وبوصفته « نوعى شخصنه منحصر » بررول اوينا يورلر . ثانياً بوشكده آفاقيله شمهين اجتماعى واقعه لر هرفردى شعورى ناصل اولوبده طاشا بيلورلر . شو حالده اجتماعى شعورك جوهرينى ، جمعيت حالده طويلانان فردى شعورلردن متشكل بر مجموعه اولارق قبول ايتمه ضر لازمدر .

ايكنجى اعتراض - اجتماعى برواقعه آنجاق بين الفردى عنعنلر واسطه سيله انتقال ايدم بيلير . فقط دورقهيم اتخارلك بوضورتله انتقال ايدمه ديكنى كوسترمك صورتيله ( تارد ) ك بوفكرينى رد ايدر . دورقايم شيمدى بوفكرلرى اتخاره تطبيق ايتكده در .

خودبينى ، ديكر كالمق وآنومى يي جمعيتلره نظراً متحول نسبتلرده تركيب ايدن اخلاقى رمفكوره يوقدر . زيرا اجتماعى حيات ، فردك هم معين بر شخصيته مالك اولماسنى ، همده ترقى فكرلرينه آچيق بولونماسنى استلزام ايدر . بونك ايچون بو اوچ عاملك ، فردى متفاض استقامتله سوق ايتمه ديكى جمعيت يوقدر . فقط بونلردن برى شدت اعتباريله ديكرلرينك ضررينه تفوق ايدر ؛ فرديله شمك صورتيله مولد اتخار اولور . فقط بوشدته اوچ نوع علتته تابعدر :

۱ - جمعيتى تركيب ايدن فردلك ماهيته ، ۲ - اشتراك طرزلرينه ، يعنى اجتماعى تعضىتك ماهيته ، ۳ معشرى حياتك ايشله مهنسى - تشرىحى تشكلى بوزمقسزين - تشويش ايدن كچيچى وقايه ( مىلى واقتصادى بحرانلر كى ) ...

ايكنجى فصلده اتخارلك ديكر اجتماعى حادثه لرله مناسباتى تدقيق ايديليور . مادامكه اتخار اجتماعى بر حادثه در ، او حالده اونك ديكرلرى آره سنده كى موقعى تعيين ايتلى در . بو خصوصده ايك مسئله اونك ، اخلاقك مساعده ايتديكى افعال آراسنده مى ، يوقسه نهى ايتدكارى مياننده مى ذكرى لازم كلديكى كيفيتى در . اوى بر جزائيات واقعه سى اولارقى كورمليدر ؟ بو خصوصده جدلى و معاقلوى بريولدن كيتمكدنسه ، تاريخنده اقوامك اتخاره ويردكارى اخلاقى قيمتى تدقيق ايتك دها دوغرودر . خرستيان جمعيتلرنده اتخار صراحة نهى ايدلشدر . ۴۵۲ سنه سندن اعتباراً ( آرل ) قونسيلى اتخارلك جرم اولديغنى اعلان ايتدى . معاصر جمعيتلردن « غره قو - لاتين » مدينه لرينه كچنجه قاعده نك ده كيشديكى كورويورز ، بوراده اتخار ، آنجاق دولت طرفندن امر ايدله مش ايسه غير مشروع تلقى ايديليردى ( سوقراطك اولومى كى ) مدينه دن ابتدائى جمعيتلره اينجه ديكر كام اتخارلك حكمران اولديغنى كورويورزه تفرعات بر طرفه براقيليرسه مختلف اقوامده اتخارلك قانونى تلقيسى ايكى صفحه كچيرمشدر .

برنجیسنده فرد ، کندی اراده سیله کندیسنی اولدورمکدن منع ایدلمشدر . فقط دولت بوفعلی اجراه مساعده ایده بیلیر . اتحار فعلی آنجاق ، معشری اولماز و هیئت مجتمعه اشتراك ایتزسه غیر اخلاق در . ایکنجی دورده محکومیت مطلقدر واستثناسزدر . فردی حیاتی محافظه صلاحیتی ، جزا مستننا ، جمعیته انتقال ایتشدر . بصورتله تاریخده ایلرله دجکه « نهی » قدرتی کوشه به جک یرده بالعکس قوتلشمش و شدتلمشدر . بوکون افکار عمومیه حکمنده داها آز متین و لاقید ایه بو حال عارضی و کجیچی اسبابدن ایلری کلیر . زیرا اخلاق تکاملک عصر لجه عینی استقامتی قطع ایتدکن صوگرا ، کریسی کری به دونه رک حرکت ایتدیکی نقطه به کلمه سی امکانسزدر .

اتحارک نهی اولونماسی ، انسانک جمعیته قارشی مکلفیتلرندن اجتناب ایتمسندن ایلری کلیر . خلاصه تاریخی تکاملده انحطاط دوره لری مستننا اولق اوزره اتحار دائماً مزاید آ نهی اولونمشدر . اتحارک غیر اخلاقی درجه سنی داها اپی تعیین ایتک ایچون دیگر غیر اخلاق فعللره و بالخاصه جرملر و جنجه لره رابطه سنی آرامق لازمدر . ( لاقاسسانی ) ه کوره اتحار حرکتیه ، ملکیته قارشی ایقاع ایدیلن جرملر آراسنده منتظماً معکوس برمناسبت واردر . بومؤلفه نظراً ایکی حادته غرافیکنک منحنی لرنی مقایسه ایتک کافیدر . حقیقته ایکی نوع حادته آراسنده نه دوغروندن دوغرویه ، نه معکوس هیچ برمناسبت یوقدر . حالبوکه ( مورسه للی )

و ( فره ری ) ، « قتل » له « اتحار » آراسنده کی ضدیتی بر قانون حالنه قویمق ایسته دیلر . جزائیاتی مؤلفلر قتل و اتحارده ، عینی سبیک ایکی نتیجه سنی ، عینی حالک ایکی تظاهرنی کورویورلر . اولره کوره سخونت هرایکیسنده عینی تأثیر ایدر . هرایکیسی ده ارککده قادیندن فضله در . هر ایکیسی ده یاشله تزاید ایدر . حیاتی نقطه نظردن قاتلده ، منتحرده متردی و قدرتسزدرلر . اجتماعی رابطلر ضعیف ایه باشقه سنک قانی دوکمک داها قولای بومکندر ؛ قوتلی ایه تخریبات نفسه توجه ایدر . بناء علیه عینی استمداد لک دوغوردینی آیری نتیجه لر ، متضاد اجتماعی شرائطه تابع اولمقدن ایلری کلیر . بو ایکی حادته نک روحیاتده وحدتی تأسیس ایچون اوج واقعه اشهاد ایدلمشدر . اولا اتحار و قتل اوزرینه مشابه تأثیرلر اجرا ایدن جنسیت واردر . داها دوغروسی بو جنسیت ( یعنی جنس فرقی ) اجتماعی وعضوی علتلرک بر اثری در . قادین غریزی بر صورتده ارککدن آیری اولدینی ایچون دکل ، بلکه معشری حیاته عینی صورتله اشتراك ایتدیکی ایچون داها آز اولدورویور . بالکز بو ایکی غیر اخلاقی شکلنده قادینک عینی درجه ده اوزاق بولونماسی لازمدر . حالبوکه چوجوق قتلری ، اسقاط جنینلر و زهرله مه ل کبی بر قسم جنایتلر واردر که منحصرأ قادینلره مخصوصدر . ولادی تشکی اعتباریه قادینک ، غیرک حیاته داها حرمتکار اولدینی حقتده هیچ بر دلیل مالک دکلز . بالکز جنایتک سبیلری قادینی ، اجتماعی وضعیتی ایجابی اولارق ، داها آز ساحه تأثیرده بولوندرمقده در . ینه عینی سبیدن دولایی عارضی اولوملر قادینلرده چوق داها آزددر . یاشک بو ایکی حادته اوزرینه تأثیر ایز فرق اظهار ایتز . فره ری به کوره یاش ایلرله دجکه قتل و اتحار زیاده لشر . مورسه للی عکسینی ادعا ایتدی . حقیقته نه معکوس نه مثبت برمناسبت یوقدر . اتحار اختیارله قادار منتظماً تزاید ایتدیکی حالده جرم و جنایت ۳۰ ، ۳۵ یاشلرنده زروه کاله کلدکن صوگرا تکرار آلملغه باشلار . سخونتک تأثیرینه کلنجه ، جرم و جنایتلر حقتده کی استاتستقلرک منحنی سی ایتالیان مکتبنک نظریه سنی تأیید ایتکده در . جرم و اتحارلر جزیرانه

قادار منتظماً یوکسه لیر و تشرین اوله قادارده آچالیر . اتحار ، کانوں ثانی دن جزیرانه قادار منتظماً و متمادی اولارق یوکسدیکی حالده ؛ جرم ، جنایت و چوجوق قتلی آیدن آیه آتلامق صورتیله غیر منتظم آرتقمده در . سیر عمومی عینی اولمادیغی کبی ، ( اعظمی ) و ( اصغری ) ده تطابق ایتمز . بویضاحات جرائیات مکتبنک برنجی ادعاسنی جرح ایده بیله جک ماهیتده در . فقط ایکنجی ادعاسنی آیریجه مناقشه ایتمک لازمدر . قتله اتحاری تولید آیدن اجتماعی شرائط آراسنده حقیق برتضاد وارمیدر ؟ مسئله ایتالیان جزایونی و بعض علمهدارلینک ظن ایتمکندن داها معضلدنر . اکثریتله بویکی حادثه یکدیگری نیی ایده جک یرده موازاتاً موجود اولور . بعض حاللرده - هیچ دکسه قسماً - یکدیگرینه توافق ایدیورسه ده ، بر چوقلرنده صندبر حالده در . واقعه لر بزه ظاهری برتناقض کوسترمکده در . دورقه یم بوتناقضی شو یولده ایضاح ایدر : بعضلرینک قتلی خارج براقدیغی حالده ، دیگر بعضلری عینی اجتماعی شرائطه قتله برابر داخل اولان مختلف اتحار نمودجلری موجوددر . تاریخی تکامل ومختلف صفحه لرده بولونان جمعیتلر بوتنوعی موجب اولمده در .

بوکون اک منتشر اولان اتحار خه دین اتحاردر . بوانمودجی تمیز آیدن وصف ، مفرط برفردیتک دوغوردیغی انحطاط وحسسنک Apathie در . قتل ایسه عکسی شرائطی متضمن دره او : احتراصنر انکشاف ایده مهین شدید برحرکتدر .

بالعکس دیگر کام اتحارله قتل ، موازاتاً کیده بیلیرلر ؛ چونکه هرایکیسی ده احتراصلی ، شدید برفعالیتی تضمن ایدر . مع مافیله قتل ایله ایشلاف ایده بیله جک معاصر دیگر براتحار نوعی واردرکه ، اوده آنومیك اتحاردر . آنومی فی الحقیقه ، تهییج وعصبی بریورغونلق تولید ایدرک ، بو عصیت بعضاً نفسه بعضاً غیره توجه ایده بیلیر . برنجی حالده اتحار ، ایکنجی حالده قتل اولور . تهییجک استقامتنی تعیین آیدن اسبابه کلنجه ، بوفاعلک اخلاقی وضعیتی در . بوندن دولایی کثیف مدنیت منطقه لرنده بویوکسک طبقه لرده اتحار وقتلک موازی اولارق انکشاف ایتمیکی کورولبور . خلاصه ، اگر اتحار و قتل اکثریا معکوس استقامتمده تحول ایدیورلرسه ، بو اولنرک عینی حادثه نك ایکی فرقلی صفحه سی اولمالرندن دکلدنر . بلکه بعض حاللرده ایکی معکوس اجتماعی جریان وجوده کتیرمه لرندن در . حتی موازاتاً جریان ایتمکلری زمان بیله عینی ماهیتده دکلدنرلر . بوتون بویضاحات بزی دیگر کلماتق و خودبینی مسئله سننده ده تنویر ایتمکده در . فی الحقیقه فردیتخیلکک مولدلرینی اجتماعی تکاملک داخلنده بویورز . خودبیلکک بویوک برقسعی جمعیتک وعائله ، ملکیت ، صنایع کبی اجتماعی مؤسساتک محصولدر .

دورقه یم ، اثرینک صوک فصلنی اتحار حقنده کی تدقیقاتک عملی نتایجنه تخصیص ایتمکده دره عملی مسئله نك حلی ، اتحارک حال حاضرینه نورمال وبا آنورمال بر سجیه عطف ایتمه مزه نظراً تبدل ایدر . معتدل بر اتحار بیکونک موجودیتی اصلا مرضی دکلدنر . فقط آوروپا اوانمده حال حاضرده کی اتحار مقداری مرضی دره . خسته لفاک اوکنه کچمک ایچون مؤلف برطاقم واسطه لر تکلیف ایتمکده در :

۱ - وسائط منمبه . مختلف جزالر وضعی بو نوعه داخلدر . یونان سینته لرنده مادی جزالر واردی . بوکون اتحاره قارشی کوسترلین مسامحه غیر طبیعی بر حالدر . معنوی جزالر تطبیق ایتمکک موافقتدر . مثلاً منتحره مزار طاشی دیکمه ملی ، مراسم یاغاملی . متشبثی

بعض حقوق مدنی و سیاسی و یا بعض عائله حقوقدن محروم بر اقالی در . مع مافیہ جزالر خسته لغی کوکندن تداوی ایدمز . چونکه اولجه نهی خصوصنده جمعیت سربست داوراندیغی ایچون جزالرك تأیری سطحی اولور .

۲ — جمعیت طبیعی بر نهیه حاضرالمق ایچون تکلیف ایدیلن ایکنجی واسطه تربیه دره . تربیه ، جمعیتک اخلاق حائی اصلاح و تجدید ایدمز . چونکه اونک بر معکسی در . حقیقی تداوی ایچون مولد انتحار جریانلرك غلتیرینه اولاشمق ضرورتی موجوددر . مع مافیہ غیر طبیعی اولمایان دیگر کام انتحاری دیگرلرندن استثناء ، اهل ایتک لازمدر .

خودبین انتحاره قارشی تداوی چاره سی : فردی احاطه ایدن زمره لری داهای متین و دواملی قیلمقدر . بو زمره لردن عجبا هانکیلری ، بو وظیفه نی ایفا ایتمه داهای صالحدر ؟ بو ، فرددن چوق اوزاق اولان سیاسی جمعیت دکدر ، - هله فردی آنجاق حریت تفکر دن آیرمق صورتیه اجتماعیه شیرین دینی جمعیت ، - ویا کیتدیکه قونزوغال بر چفت اولمه دوغرو کیدن عائلوی جمعیت هیچ دکدر . زوجینک انتحار لری ده بکارلرك انتحار لری کبی کیتدیکه چوغالمقدردر . انتحاره قارشی قومق ایچین تقویه ایدیله بیله جک اک مساعد جمعیت ، مسلکی زمره لردر . اجتماعی فکرلر و حسلرك تشکله بوندن داهای مساعد بر زمین یوقدره منشاء ، حرث و اشتغال برلکی مسلکی فعالیتی اک زنکین بر معشری حیات یایمه کافی در . سیاسی جمعیت کبی فرد اوزرنده متقطع صورته مؤثر دکدر . مراقبه و تأیری دائمی در . نتکیم تاریخده مسلکی زمره یه تقابل ایدن « قورپوراسیون » [ کدیک تشکیلاتی ] لرده اخلاق تساندک الک قوتلی اولماسی ، بو خصوصده اساسلی بر تجربه اولشدر . سعی انقسام ایتدیکه حقوق و اخلاق - ایداءلرنده عینی قالمق اوزره - هر ساحده فرقلی برر شکل آلمشدر .

بو خصوصی انضباطلردن هر برینه آیری برر عضو لازمدر ؛ بو صورتله هر مسلکدن آیری قواعد اوزرینه مؤسس مؤیدلر وجود بولایلیر . بالکیز بو تیره نیک تطبیق ایدیله مدیکی بر انتحار نوعی واردرکه اوده « آنومی قونزوغال » در .

آنومی دن متولد اولان انتحارلرك عددی تنقیص ایتک ایچون یکانه واسطه ، ازدواجی داهای غیر قابل افتراق بر حاله قومقدر .

نتیجه ، انتحارک حال حاضری اخلاق بر سفالتک علامتی در . بونی آنجاق جمعیتک اخلاق انتانیله ایضاح ایدیلیرزه تکلیف ایتدیکمز تجدد ، تاریخی تکاملمزک هیئت مجموعه سی طرفندن تأیید ایدیلکده در . کون کچدیکه فردله دوات آره سند ، متوسط اولان اجتماعی زمره لر غیب اولویور . آلمانیاده وضعیت بویله دکدر . فردی یاقیندن احاطه ایدن و اونک اوزرنده قوتله قضیقتی اجرا ایدن بو متوسط زمره لری تکرار ایتک لازمدر . ارضی (Territoriale) مرکزیتله معکوس مسلکی بر عدم مرکزیت تشکل ایتلی در . بو ، اجتماعی تعلق نک ضروری اساسیدر .



اسکی تورکلرك اجتماعی تشکیلاتنده دورقه ییک دیگر کام انتحار دیدیکی نوعه کثرتله تصادف ایدپورز . اثر مناسبتیه بر نبذه اوندن بحث ایده جکم . انسان کندیسیله برابر طالعی ، مزارینه قونولان آلات و ادواتی ، البسه سی مدار معیشتی ده برابر کوتوروره . اینته یاقوتلرك بارکیلری ، اسیرلری ، مستقرشهری افتدیلرینک سزاری اوزرنده اولدوردک برابر کومهلرندن

عبارت اولان اسکی عاتلری بورادن کلکده در . مع مافیہ یاقوتلرده فردی آرزودن متولد اولان اتحارلر ، جنابت کبی تلقی ایدیلهرک روحلری تک جهنمه کیده جکنه اینانیرلردی .  
 بلها ویا آما یاشک زیاده لکنی وخسته لفی حس ایدرک اوغل ویا یکنلرینه کندیسنی اولدورملرینی  
 رجا ایدرلردی . قومشولر دعوت ایدیلیر ، بر حیوان کسلییر ، و اوچ کون متاداً ضیافت  
 ویریلیردی . اولومه محکوم اولان کیمسه موقع شرفی اشغال ایدر . اک کوزل پارچه لری آلیردی .  
 اوچونجی کون عائله تک برعضوی اونی اورمانه کوتورور ، اولجه قازلمش اولان برچوقورک  
 کنارندن اونی ایتر ، و دیری دیری سلاخلریله ، آلات و ادواتیله ، مدار قعیشی وبارکیرلیله  
 برابر دفن ایدردی . بعضاً اختیارله برابر زوجهمی و اسیرلری ده دفن اولونوردی . ابونینی  
 طبیعی بر اولومه براقق واونک اتحارینه یاردم ایتهمک اوغول ایچون برعیب تلقی اولونوردی .  
 [ نام اولوسی ، ۱۸۸۸ ] اوغوز تورک لرنده ده خدمتکارلرک دفنی عادت تک موجود اولدیغنه  
 دائر و تائق واردر [ اورخون کتابه لری ] .

آنجا ق اختیارلرک اتحاری عادت تک یاواش یاواش ترک اولوندیغنی کورولبور . اوغوزک  
 قره خانی اولدورمه سی اسکی مؤسسسه تک بر پس زنده سیدر . اسلامیت ده دیگر بشری دینلر کبی  
 علی العموم اتحاری صورت قطعیه ده نهی ایتتمکده ایدی .

بوکونکی اتحار حرکتلرینه بو بوک مرکز لرده واعتقادک ضعیفه دیکی یرلرده تصادف ایدیلدیکی  
 حالده ، کویلر وقصبه لر معافیتی محافظه ایدیلورلر . بو حادته ، دینی انحلالدن ایلری کلکله برابر اجتماعی  
 کشفاتله ده آرالرنده هم موجودیت مناسبتی واردر . کویلردن تصبه لره و قصبه لر دن شهر لره دوغرو کیدیلدیجکه  
 - معاصر حیاتده - اتحار احتمال تک چوغالیدی کورولبور . اتحارک اک بار زوصبی مکلفیتلره تحمل  
 ایدمه مک اولدیغنی ایچون ، بو مکلفیتلرک اک فضله تضییقه کندیسنی حس ایتدیردیکی یرده اتحارلرک  
 اک زیاده اولماسی ایجاب ایدر . بو بوک شهرلرده ایش بولومی تأسس ایتدیکی و اجتماعی تضییق  
 داها قوتلی اولدیغنی ایچون اتحار اک زیاده در . شو حالده بو بوک شهرلر بر طرفدن مسلکی زمره لرک  
 تشکیلی ایله اتحارلره مانع اولابیله جک تدبیرلری احضار ایتدیکی کبی ، دیگر طرفدن مکلفیتلری  
 آرتدیرماسی اعتباریله بر اتحار عاملی اولمقده در . دورقهیم اثرنده ، اجتماعی کشفاتله اتحار آراسنده کی  
 مناسبتی تدقیق ایتمه مشدی . بو نقطه تک علمی برشکلده افاده ایدیله بیلمه سی ایچون ، ترفع ویا  
 تنزل نسبتلرینی احصائی جدوللرله توثیق ایتمک لازمدر .

استانبول ازکک لیسسه سی فلسفه و اجتماعیات معلمی

معلمی ضیا

